

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj 7/10) i Programa utroška sredstava u Ministarstvu za rad, socijalnu politiku i izbjeglice za 2022. godinu, broj: 02-11-1194/22 od 20.01.2022. godine i broj: 02-11-12327/22 od 11.08.2022. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 168. sjednici, održanoj dana 18.08.2022. godine, d o n o s i

ZAKLJUČAK

I.

Daje se saglasnost na „Program sufinansiranja zapošljavanja saradnika/asistenata na Univerzitetu u Zenici 2022-2023“.

II.

Međusobna prava i obaveze na realizaciji Programa iz tačke I. ovog zaključka uredit će se Sporazumom o međusobnoj saradnji između Zeničko-dobojskog kantona-Ministarstva za rad, socijalnu politiku i izbjeglice, JU Služba za zapošljavanje Zeničko-dobojskog kantona i Univerziteta u Zenici.

III.

Ovlašćuje se ministrica Ministarstva za rad, socijalnu politiku i izbjeglice, Azra Sinanović, da u ime Vlade Zeničko-dobojskog kantona potpiše Program i Sporazum iz tačke I. i II. ovog zaključka.

IV.

Za realizaciju Programa zadužuju se Ministarstvo za rad, socijalnu politiku i izbjeglice i JU Služba za zapošljavanje Zeničko-dobojskog kantona, svako u okviru svoje nadležnosti.

V.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22

Datum, 18.08.2022. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x JU Služba za zapošljavanje Zeničko-dobojskog kantona,
putem Ministarstva,

1x Univerzitet u Zenici, putem Ministarstva,

1x a/a.

**PROGRAM
SUFINANSIRANJA ZAPOSŁJAVANJA
SARADNIKA/ASISTENATA NA UNIVERZITETU U
ZENICI 2022-2023**

1. Osnov za donošenje, izvor finansiranja i nosilac realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba (Službene novine Federacije BiH, br. 55/00, 41/01, 22/05 i 9/08), Ministarstvo za rad, socijalnu politiku i izbjeglice (u daljem tekstu : Ministarstvo) i JU Služba za zapošljavanje Zeničko-dobojskog kantona (u daljem tekstu: Služba) sačinili su „Program sufinansiranja zapošljavanja saradnika/asistenata na Univerzitetu u Zenici 2022-2023“ (u daljem tekstu: Program).

Finansijska sredstva koja su potrebna za realizaciju Programa planirana su u iznosu od 264.000,00 KM, a koja će biti obezbijedena od strane Vlade Zeničko-dobojskog kantona odnosno Ministarstva za rad, socijalnu politiku i izbjeglice Zeničko-dobojskog kantona. Nosilac realizacije ovog Programa je Služba za zapošljavanje Zeničko-dobojskog kantona.

2. Cilj Programa

Program se realizuje s ciljem zapošljavanja saradnika/asistenata na organizacionim jedinicama Univerziteta u Zenici (u daljem tekstu: Univerzitet), radi jačanja ljudskih potencijala u svrhu poboljšanja obrazovnog procesa u javnoj visokoškolskoj ustanovi.

3. Ciljna skupina

Programom će se obuhvatiti osobe koje su prijavljene na evidenciji nezaposlenih osoba na području Zeničko-dobojskog kantona prije zasnivanja radnog odnosa kod poslodavca i koje ispunjavaju uslove za zaposlenje odgovarajućeg stručnog kadra na organizacionim jedinicama Univerziteta na poslovima saradnika/asistenata.

4. Korisnici

Korisnici Programa su Ministarstvo za obrazovanje, nauku, kulturu i sport (kroz organizacione jedinice Univerziteta) i nezaposlene osobe utvrđene ciljnom grupom.

5. Poticajna mjera i način sufinansiranja

Programom je predviđeno sufinansiranje zapošljavanja saradnika/asistenata na organizacionim jedinicama Univerziteta, uz zasnivanje radnog odnosa u trajanju od 12 mjeseci.

Programom je određeno sufinansiranje dijela troškova obaveznih doprinosa i dijela neto plaće u iznosu do 1.000,00 KM mjesečno po osobi u trajanju do 12 mjeseci.

Univerzitet se obavezuje da će osigurati razliku sredstava iz vlastitih izvora za isplatu ukupnog iznosa bruto plaće, u skladu sa svojim internim aktima i u skladu sa dostavljenim Programom sufinansiranja zapošljavanja saradnika u naučno-nastavno zvanje viši asistent/asistent broj 01-03-10-2313-1/22 od 15.06.2022. godine, za svaku osobu čije se zapošljavanje sufinansira.

6. Način realizacije Programa

Služba će sa Univerzitetom i Ministarstvom potpisati „Sporazum o međusobnoj suradnji“ (u daljnjem tekstu: Sporazum) o sufinansiranju zapošljavanja kojim će se odrediti međusobna prava i obveze.

6. Dostavljanje i provjera dokumentacije

Univerzitet, radi učešća u Programu, Službi dostavlja sljedeću dokumentaciju za Programom određeni broj osoba:

- kopiju ugovora o radu za osobu koja se zapošljava,
- kopiju prijave na obvezna osiguranja u Poreznoj upravi Federacije BiH – obrazac JS 3100,
- broj glavnog računa u poslovnoj banci na koji će se sredstva doznačiti

Služba provjerava status nezaposlene osobe.

7. Pravljenje i isplata ugovorenih sredstava

Po potpisivanju Sporazuma, Služba mjesečno isplaćuje/refundira na račun Univerziteta, sredstva za prethodni mjesec, a po dostavljenim pravdanjima.

Nakon potpisivanja Sporazuma, Univerzitet je u obavezi da, najdalje do kraja mjeseca za prethodni mjesec, Službi dostavlja:

- specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreznoj upravi FBiH
- potpisane i ovjerene platne liste sufinansirane osobe od strane poslodavca i od strane te osobe
- u slučaju pojedinačne isplate plaće, kopiju uplatnice za pojedinačnu isplatu plaće
- u slučaju zbirne isplate plaće, kopiju izvoda iz banke iz koje je vidljiva isplata zbirne plaće, kao i kopiju spiska plaća koji se dostavlja banci, a na kojem će biti navedena sufinansirana osoba.

Služba provjerava i obrađuje prispjelu dokumentaciju na osnovu koje Univerzitetu refundira opravdani iznos za prethodni mjesec.

8. Opće odredbe

U pogledu zaključivanja, trajanja i raskida ugovora o radu i drugih situacija analogno se primjenjuju sljedeća pravila:

- u slučaju raskida ugovora o radu sa sufinansiranom osobom može se u roku od petnaest (15) dana, za preostali period ugovorne obaveze, zaključiti ugovor o radu sa drugom zamjenskom nezaposlenom osobom iz ciljne grupe (nezaposlena osoba mora biti na evidenciji nezaposlenih najmanje dan prije zaključivanja ugovora o radu). Univerzitet je, prilikom narednog mjesečnog pravljenja, dužan dostaviti Službi dokaze (kopiju otkaza ugovora o radu za prvo zaposlenu osobu, kopiju ugovora o radu sa zamjenskom osobom, te kopiju odjave za prvo zaposlenu i prijave za zamjensku osobu na obavezna osiguranja u Poreznoj upravi Federacije BiH odnosno obrazac JS 3100);
- u slučaju nezaključivanja ugovora o radu sa drugom (zamjenskom) nezaposlenom osobom, Služba će obračunati i refundirati do tada opravdani iznos sredstava za osobu s kojom je raskinut ugovor o radu, a za ostale osobe čije se zapošljavanje sufinansira kod tog poslodavca nastaviti će se postupanje u skladu sa zaključenim Sporazumom;
- u slučaju nastupanja okolnosti kada je osoba čije se zapošljavanje sufinansira privremeno spriječena za rad duže od 42 dana ili koristi porodijsko odsustvo, Univerzitetu se za taj period isplaćuje naknada plaće u visini razlike od refundiranog dijela do pune plaće zaposlenog,

ukoliko je za isti dostavio pravdanje, a do visine sufinansiranog iznosa radi izbjegavanja eventualne duple naplate sredstava.

9. Kontrola i praćenje izvršenja ugovorenih obaveza

Služba će kontinuirano pratiti realizaciju Sporazumom određenih obaveza, i to:

- provjerom dokumentacije koju Univerzitet redovno dostavlja, radi pravdanja odobrenih sredstava,
- provjerom podataka na portalu Porezne uprave Federacije BiH
- prema potrebi i kontrolom provođenja ugovorenih obaveza neposredno kod Univerziteta.

Ukoliko se praćenjem realizacije ugovorenih obaveza utvrdi da ih Univerzitet ne ispunjava, Služba će pokrenuti postupak raskidanja Sporazuma.

10. Izvještavanje Ministarstva o provedbi Programa

Služba je obavezna Ministarstvu kvartalno dostavljati izvještaje o praćenju efekata zapošljavanja i utrošku sredstava, a radi praćenja realizacije Programa. Također, mjesečno će informisati Ministarstvo o isplaćenim tranšama za koje je Univerzitet dostavio pravdanja.

Ministarstvo za rad, socijalnu politiku
i izbjeglice Zeničko-dobojskog kantona
Ministrica
Azra Sinanović

Broj:
Datum:

JU Služba za zapošljavanje
Zeničko-dobojskog kantona
Direktor
Anto Pešić

Broj:
Datum:

Univerzitet u Zenici
Rektor
prof.dr. Jusuf Duraković

Broj:

Datum:

Prijedlog

Temeljem Odluke Vlade Zeničko-dobojskog kantona o odobravanju sudjelovanja u sufinansiranju zapošljavanja po „Programu sufinansiranja saradnik/asistenata na Univerzitetu u Zenici 2022-2023“ od __.__.2022.godine, a uz prethodno pribavljeno Mišljenje Ministarstva za obrazovanje, nauku, kulturu i sport Zeničko-dobojskog kantona broj 10-34-95-44/22 od 31.05.2022. godine, sklapa se

SPORAZUM

o međusobnoj suradnji

između:

1. Zeničko-dobojskog kantona - Ministarstva za rad, socijalnu politiku i izbjeglice, kojeg zastupa ministrica Azra Sinanović, (u daljem tekstu: Ministarstvo)
2. Univerziteta u Zenici (u daljnjem tekstu: Univerzitet), koji zastupa rektor prof.dr. Jusuf Duraković, i
3. JU Službe za zapošljavanje Zeničko-dobojskog kantona Zenica (u daljnjem tekstu: Služba), kojeg zastupa Anto Pešić.

Član 1.

Predmet ovog sporazuma je uspostavljanje međusobne suradnje, radi efikasnog realiziranja „Programu sufinansiranja saradnik/asistenata na Univerzitet u Zenici 2022-2023“ (u daljnjem tekstu: Program).

Član 2.

U Programu mogu sudjelovati osobe prijavljene na evidenciju nezaposlenih Zeničko-dobojskog kantona prije zasnivanja radnog odnosa kod poslodavca, a koje ispunjavaju uvjete za zaposlenje odgovarajućeg stručnog kadra na organizacionim jedinicama Univerziteta.

Član 3.

Strane potpisnice sporazuma su saglasne da je nositelj realizacije Programa JU Služba za zapošljavanje Zeničko-dobojskog kantona.

Član 4.

Strane potpisnice sporazuma su saglasne da će za realizaciju Programa Ministarstvo osigurati finansijska sredstva u ukupnom iznosu od 264.000,00 KM.

Član 5.

Ministarstvo se obavezuje da će jednokratno uplatiti iznos od 264.000,00 KM na transakcijski račun Službe broj: 134-010-00002905-38, koji je otvoren kod ASA Banka d.d. Sarajevo, najkasnije 30 dana od dana potpisivanja ovog sporazuma.

Član 6.

Univerzitet Službi mjesečno dostavlja specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreznoj upravi FBiH, potpisane i ovjerene platne liste sufinansirane osobe od strane poslodavca i od strane te osobe, u slučaju pojedinačne isplate plaće, kopiju uplatnice za pojedinačnu isplatu plaće, u slučaju zbirne isplate plaće, kopiju izvoda iz banke iz koje je vidljiva isplata zbirne plaće, kao i kopiju spiska plaća koji se dostavlja banci, a na kojem će biti navedena sufinansirana osoba.

Član 7.

U slučaju raskida ugovora o radu sa sufinansiranom osobom može se u roku od petnaest (15) dana, za preostali period ugovorne obaveze, zaključiti ugovor o radu sa drugom zamjenskom nezaposlenom osobom iz ciljne grupe (nezaposlena osoba mora biti na evidenciji nezaposlenih najmanje dan prije zaključivanja ugovora o radu).

Strane Sporazuma su saglasne da se za sve eventualne izmjene pojedinačnih ugovora o radu, te obračun i refundaciju do tada opravdanog iznosa sredstava za osobu s kojom je raskinut ugovor o radu, neće zahtijevati zaključivanje posebnog anexa ovom Sporazumu, a uz validnu dokumentaciju koja opravdava te izmjene.

Član 8.

Služba provjerava i obrađuje prispjelu dokumentaciju na osnovu koje Univerzitetu isplaćuje/refundira opravdani iznos za prethodni mjesec

Član 9.

Univerzitet će osigurati razliku sredstava iz vlastitih izvora za isplatu ukupnog iznosa bruto plaće, u skladu sa svojim internim aktima, za svaku osobu čije se zapošljavanje sufinansira.

Član 10.

Služba se obavezuje da će kontinuirano pratiti realizaciju ugovorenih obaveza i da će odobrena sredstva koristiti namjenski sukladno Programu, a u suprotnom se obavezuje izvršiti povrat uplaćenih sredstava.

Služba se obavezuje da će po završetku realizacije Programa, Ministarstvu za rad, socijalnu politiku i izbjeglice ZDK dostaviti izvještaj, te uraditi evaluaciju istog, sukladno cilju.

Član 11.

Nakon što ovaj sporazum potpišu Ministarstvo, Univerzitet i Služba, potvrđuje se da su sve strane upoznate i saglasne s njegovim sadržajem.

Član 12.

Sporove nastale po ovom Sporazumu, ugovorne strane rješavati će sporazumno, a ukoliko to nije moguće, sporove će rješavati Sud u Zenici.

Član 13.

Sporazum je sačinjen u 6 (šest) istovjetnih primjeraka, od koji svaka strana zadržava po dva.

Ministarstvo za rad, socijalnu politiku
i izbjeglice Zeničko-dobojskog kantona
Ministrica
Azra Sinanović

Broj:
Datum:

JU Služba za zapošljavanje
Zeničko-dobojskog kantona
Direktor
Anto Pešić

Broj:
Datum:

Univerzitet u Zenici
Rektor
prof.dr. Jusuf Duraković

Broj:
Datum: